

Kommunip ataatsimiinnerini peqataannginnissamik nalunaartarnermut, sinniisussanik aggersaasarnermut kiisalu taakkununnga atatillugu akissarsianut tunngasut pillugit ilitsersuut.

Siunertaq

Qinikkat ataatsimiinnerini sinniisussanik aggersaasarnerup pitsaasumik ingerlanissaa qularnaarniarlugu, kiisalu malittarisassat naapertorlugit ilaasortat akissarsiassaa appartariaqarunnarnerat pillugu aalajangiiniartarnerup oqilisarneqarnissaa ilitsersuummi matumani siunertarineqarpoq.

Tunuliaqutaq

Pingaartumik ataatsimiititaliat ataatsimiinnerini peqataanngitsoortarnek pissutigalugu qassitigut ilaasortat aalajangiinissamut amigartarsimapput, aammalu aalajangiisoqartussaattillugu suleqatigiit ilaasa peqataanngitsoortassappata iluarnaviannngilaq.

Inatsisitigut tunngavigisaq

- Kommunit aqunneqarnerat pillugu Inatsisartut inatsisaat nr. 29 17. november 2017-imeersoq § 15, imm 1 aamma 2 kiisalu 58, imm. 8.
- Naartunermi, erninermi meeravissiartaarnermilu sulinngiffeqartarnek pillugu Inatsisartut inatsisaat nr. 5, 19. november 2020-imeersoq.
- Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaanni nr. 25-mi, 30. december 2013-imeersumi § 8, imm. 2 aamm 3.
- Suleriaasissaq nalinginnaasoq, § 2 (peqataannginnissamik nalunaartoqartassaaq sivikinnerpaamik ataatsimiinnissaaq pineqartoq ullunik marlunnik sioqqullugu).

Tunngavissaqarluni peqataannginnerup qanoq paasineqarnissaanik aalajangiineq

Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 15, imm. 1-ikkut aalajangersarneqarpoq nappaat, naartuneq, qitornartaarnek, qitornavissiartaarnek, innuttaasut sinnerlugit allamik suliaqarnek, niuernek assigisaalluunniit pissutigalugit ilaasortaq kommunalbestyrelsip ataatsimiinneranut peqataasinnaannngippat taava sinniisussamik aggersaasoqarsinnaasoq.

Pissutaasut taaneqartut tamarmik malittarisassanut allanut (kingulianiittoq takuuk) sanilliullugit pissutissaqarluni peqataannginnermut tunngavissatut isigisariaqarput. Napparsimaneq, naartuneq, qitornartaarnek qitornavissiartaarnerlu tamarmik paatsuugassaannngitsumik paasineqarsinnaapput. "Innuttaasut sinnerlugit suliat allat assigisaallu" suussusiisa aalajangernissaa ajornaatsuujuaannngilaq.

Taamaammat Namminersorlutik Oqartussat nalunaarutaanni nr. 25, 30/12-2013-imeersumi § 8, imm. 3, oqaaseqatigiit aappaanni aalajangersarneqarpoq tunngavissaqarluni peqataanngitsoorneq qaqugukkut pisarnersoq kommunalbestyrelsimut aalajangigassannngortinneqartartoq.

Tunngavissaqassusermut assersuutit tassaasinnaapput atuarfiup siulersuisuinut angajoqqaanut sinniisutut peqataaneq imaluunniit eqqartuussivimmi aalajangeeqataasartutut eqqartuuseqataasartutulluunniit eqqartuussinermut peqataaneq. Peqataanginnermut pissutaasut taakkorpiaaq aamma kommunalbestyrelsimut ilaasortat akissarsisinnerqarnerannut attuumassuteqarput. Pissutissaqarluni peqataangitsoornermini ilaasortap kommunimi politikikkut sulinermini akissarsiassani pigiinnassavai. Ilitersuummi tassani malittarisassat ataatsimiititaliat ataatsimiinnerinutaaq atuuttutut naatsorsuutigisariaqarput.

Morten Engberg atuakkiamini "Kommunestyret i Grønland" (Kalaallit Nunaanni kommunit aqunneqarnerat), qupperneq 87-imi ilaatigut ima allappoq: "*Taamaammat nappaat, naartuneq, qitornartaarneq, qitornavissartaarneq, innuttaasut sinnerlugit allamik suliaqarneq, niuerneq assigisaalluunniit pissutigalugit peqataangitsoornerit tunngavissaqarluni peqataangitsoornertut isigsariaqarput. Aamma aporfiit atorfeqarnermut feeriarnermulluunniit tunngasut pissutsit qanoq ittuussusii naapertorlugit tunngavissaqarluni peqataangitsoornermut taaneqarsinnaapput. Aamma tunngavissaqarluni peqataangitsoornertut isigisariaqarpoq ilaasortaq, namminersorluni inuussutissarsiummik ingerlatsisoq, annertuumik ajoqutissarsiumanani annaasaqarunamanniluunniit ataatsimiinnermut peqataangitsoortariaqaraangat (uanga silittunngugara). Ataatsimiinnermut peqataasussaataanerup pissusissamisoortumik malitsigisaanik ilaasortap kommunalbestyrelsip, imaluunniit kommunalbestyrelsip ataani ataatsimiititaliap ataatsimiinnerinut takkutinngitsoornissamut inissittoortanginnissani sapinngisaminik anguniassavaa.*"

Akissarsiat ikilineqarnerat pillugu

§ 8, imm. 2 uani

[Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il.](#)

[akissarsiaqartitsineq](#) pillugu Namminersorlutik Oqartussat nalunaarutaat nr. 25, 30. december 2013-imeersumi aalajangersarneqarpoq:

" Imm. 2. Kommunalbestyrelsimut ilaasortap Kommunit aqunneqarnerat pillugu Inatsisartut inatsisaat naapertorlugu suliassani isumaginngippagit aamma Kommunit aqunneqarnerat pillugu Inatsisartut inatsisanni aqutsinermut inatsimmi § 66, imm. 8 naapertorlugu sulinnigiffeqanngippat ilaasortap pineqartup akissarsiai peqataangiffiata sivissusianut naapertuuttumik ilanngaaffigineqassasut kommunalbestyrelsip aalajangersinnaavaa. Akissarsiaritippallaarsimasut isumaqatigiissuteqarnikkut sivisunerpaamik qaammatinut pingasunut agguarlugit akilersorneqarnissaat isumaqatigiissutigineqarsinnaavoq."

Suliassanik isumaginninngitsoorneq, tassa inatsisitigut suliassarititaasunik sumiginnaaneq, tassaasinnaavoq uteqattaartunik qasseerpassuarnillu peqataangitsoorneq tunngavissaqarluni peqataangitsoornertut isigineqarsinnaanngitsoq. Tunngavissaqarluni peqataangitsoornerup qanoq paasineqarnissaanik aalajangiineq siulianiittoq takuuk.

Kommunimi sulinermit sulinngiffeqarneq pillugu malittarisassat pillugit

Aqutsinermit inatsimmi § 15, imm. 1 aamma 2-mi naammattuugassaapput:

"§ 15. Ilaasortaq kommunalbestyrelsip ataatsimiinnissaani napparsimanini, naartunini, erninini, erninerminut atatillugu sulinngiffeqarnini, meeravissiarternini, inuiaqatigiinni sullissisussaataitaalluni pisussaaffiligaanini, inuutissarsiutini assigisaalluunniit pissutigalugit ataatsimeeqataasinnaajunnaarpat ilaasortap pisinnaanngitsup qinigaaqatigisimasaasa, aamma kisimiillutik qinigassanngortissimasut, piumasarisinnaavaat sinniisussap ataatsimiigiaqquneqarnissaa. Inissititeriffiusumik ataatsimiinnermi, imaluunniit aningaasartuutissanut missingersuutit aappassaaneernejarnerannut atatillugu, sinniisussap ataatsimiigiaqquneqarnissaa piumasarineqarsinnaavoq allamik peqquteqarluni ilaasortaq ataatsimeeqataasinnaanngippat. Qinigassanngorteqatigiinni ilaasortamik qinikkamik ataatsimiigiaqqusinnissamik piumasaqaateqartoqarsinnaanngippat sinniisussap nammineq piumasaqaatigisinnaavaa ataatsimiigiaqquneqarnissani.

Imm. 2. Kommunalbestyrelsimi ilaasortaq imm. 1-imi taaneqartut patsisigalugit qinigaaffini qaammatinut marlunnit sivilisunerusumik isumagisinnaassanngippagu, kommunalbestyrelsimi ilaasortaq § 56 imm.8 naapertorlugu akissarsiaqartinneqarani sulinngiffeqartinneqassaaq. Sulinngiffeqarnissamik kissat borgmesterimut nassiunneqassaaq, sulinngiffeqarnissamik kissaat nassuiaaserlugu aammalu sulinngiffeqarnissap qanoq sivilisutiginissaa nalunaarutigiutigalugu. Qinnuteqarnermut atatillugu uppernarsaatit pisariaqartut qinnuteqaammut ilaatinneqassapput imaluunniit borgmesterip taakkuninnga noqqaassuteqarneratigut nassiunneqassapput. Borgmesterip sinniisussaq kommunalbestyrelsip ataatsimiinnissaanut tulluuttumut siullermut ataatsimiigiaqqussavaa."

Tassa imaappoq ilaasortaq sulinngiffeqarnissaminik qinnuteqarnissamut pisussaaffeqalissaaq imm. 1-imi taaneqartunik pissuteqarluni atuuffinni qaammatinut marluk sinnerlugit isumagisinnaanngikkuniuk. Taamattaq sulinngiffeqarallartilluni akissarsiaqartoqarunnaassaaq, taamaassanili inatsimmi § 56, imm. 8 pissutaasut taaneqartut, tassa naartuneq, qitornartaarnej qitornavissiarternarlu sulinngiffeqarnermut ullormusiaqarnermullu inatsit naapertorlugu atuutsillugit. Sulinngiffeqarneq ullormusiallu pillugit inatsit uani nassaassaavoq:

Qitornartaarnermi sulinngiffeqarneq pillugu

Naartunermi, erninermi meeravissiarternermilu sulinngiffeqartarneq pillugu Inatsisartut inatsisaat nr. 5, 19. november 2020-imeersoq. Inatsimmi ilaatigut sulinngiffeqarnerup sivilisussusia aalajangersarneqarput.

Peqataannginnissamik nalunaarneq

Tunngavissaqarluni peqataanngitsoortoqarnersoq ajornaatsumik eqqortumillu paasisinnaajumallugu aalajangersinnaajumalluguluunniit ilaasortaq kommunalbestyrelsip ataatsimiinnerinut kiisalu ataatsimiititaliap ataatsimiinnerinut peqataanngitsoornissaminik borgmesterip allattoqarfianut (sulisup ataatsip arlallilluunnii aqqi nalunaarlugit) nalunaaruteqassaaq.

Ilaasortaq ataatsimiinnermut peqataasinnaannignnerminik paasisaqarniararuni nalunaassaaq, ajornanngippallu kingusinnerpaamik ataatsimiinnissaq pineqartoq ullunik marlunnik sioqqullugu.

Tamatuma kingorna borgmesterip noqqaassuteqarneratigut allattoqarfimmi sulisut kingoraarsisussamik aggersaasoqarnissaa aallarnissavaat.

Maannamiit malittarisassat siulianiittut naapertorlugit kommunalbestyrelsip ataatsimiititalialluunniit ataatsimiinnerinut peqataaniarani nalunaanngitsoornerit tunngavissaqanngitsumik nalunaanngitsoornertut isigineqartalissapput.

Atuutilerana

Ilitsersuut manna ulloq 26. april 2023 Kommune Kujallermi kommunalbestyrelsip ullormi 26. april 2023 ataatsimiinnerani akuerineqarnermisut atuutilersinneqarpoq.